

# EGAk C1 2024

## Azterketa eredu

Honako eredu hau urtean zehar moldatzen ahalko da, antolaketa beharrek hala eskatzen badute.

### 1) Egunak / proba kopurua

C1 mailako Euskara Gaitasun Agiria, bi azterketaz osatua da: azterketa idatzia eta ahozko azterketa. Biak gainditzea beharrezkoa da EGak C1 lortzeko.

Azterketak bi fasetan eta hiru probatan iragaten dira:

- Lehen egunean proba idatzia eta entzunaren ulermena.
- Bigarren egunean ahozko adierazpen proba.

Euskaltzaindiaren arauak dira zuzentasunaren oinarrian.

### 2) Iraupena

Azterketa idatziak **3 oren** irauten du, entzunaren ulermena neurtzen duen ariketa pasatzeko behar den denbora kontuan izan gabe.

### 3) Proben deskribapena

#### 3.1) Azterketa idatzia

Azterketa idatziak bost ariketa ditu, baina egun horretan beste bat ere egiten da, entzunaren ulermenarena:

- Idazlana
- Gutuna
- Esaldiak berridaztea
- Sinonimoak
- Irakurriaren ulermena
  
- Entzunaren ulermena

### a) Idazlana

Bi gai proposatuko dira aukeran eta azterketariak horietako bat garatu beharko du. Azterketariak 250 hitz inguru idatzi beharko ditu.

30 punturen gain neurtua den ariketa hau gainditzeko, azterketariak 15 puntu erdietsi beharko ditu gutienez. Azterketa idatzia gainditzeko, baitezpadakoa da azterketariak idazlana gaindi dezan.

### b) Gutuna

Bi gai izanen dira aukeran eta azterketariak horietako bat gutun gisa garatu beharko du. azterketariak 150 hitz inguru idatzi beharko ditu. 10 punturen gain neurtua da ariketa hau.

Azterketa idatzia gainditzeko, baitezpadakoa da azterketariak idazlana eta gutuna egin ditzan.

Idazlana eta gutunaren kalifikaziorako ondoko alderdi hauek hartuko dira kontuan: zuzentasuna, egokitasuna, diskurtsoaren koherentzia/kohesioa eta aberastasuna.

### c) Esaldiak berridaztea

Emandako esaldien moldaketa egin beharko du azterketariak:

c).1 - Bost esalditan, esaldi baliokideak sortu beharko ditu beste egitura batzuk erabiliz, betiere esaldi bakarra osatuz.

Berridazketa bideratzeko eta gauzatzeko, elementu batzuk eskainiko zaizkio erreferentzia gisa.

c).2 – Beste esaldi batzuetan bost akats zuzendu beharko ditu.

Moldaketa oso eta zuzen bakoitzak puntu erdiko balioa baitu, gehienez 5 puntu lor ditzake azterketariak ariketa bikoitz honetan.

5 punturen gain neurtua den ariketa bikoitz hau gainditzeko, azterketariak 2,5 puntu erdietsi beharko ditu gutienez\*.

### d) Sinonimoak

Testu labur bat(zu)e(t)an azpimarratuak diren hamar hitzen baliokide egoki bana bederen eman beharko du azterketariak. Hitz horietako bakoitzak testuinguruan duen erranahia kontuan harturik eman beharko du baliokidea.

Erantzun zuzen bakoitzak puntu erdiko balioa du.

5 punturen gain neurtua den ariketa hau gainditzeko 2,5 puntu erdietsi beharko ditu gutienez\*. Erantzun okerrengatik ez da punturik kenduko.

\*Sinonimoen eta esaldiak berridazteko ariketen kalifikazioak bilduko dira eta bietatik batean 2,5 puntu lortu ez bada ere, bien artean gutxienez 6 puntu lortuz, gaindituzat emanen dira. Azterketa idatzia gainditzeko, baitezpadakoa da sinonimoen eta esaldiak berridazteko ariketen bilduma gainditzea.

### e) Irakurriaren ulermena

Testu batzuk aurkeztuko zaizkio azterketariari, horiei buruzko ulermen galderen erantzun egokia hauta dezan.

10 punturen gain neurtua den ariketa.

## f) Entzunaren ulermena

Azterketa idatziaren egunean egingen da ariketa hau.

Grabaketa zatiak entzuten ditu azterketariak. Zati bakoitzari buruz galderak egingen zaizkio eta erantzun zuzena hautatu beharko du, aukera anitzekoak edo egia/gezurra moldean emanen zaizkion erantzunen artetik.

5 punturen gain neurtua den ariketa.

### 3.2) Ahozko adierazpena:

Bi ariketa ditu:

- Dokumentu baten ahozko azalpena.
- Bat-bateko elkarrizketa saioa.

Azterketariak 20 bat minutu izanen dute probaren lehen ariketa prestatzeko. Bi aztertzailez osatu epaimahaiak, binaka entzuten ditu azterketariak. Probaren iraupena 20 bat minutukoa izanen da, orotara.

20en gain neurtua den proba hau gainditzeko, 10 puntu erdietsi beharko ditu gutienez.

Proba hau gainditzea baitezpadakoa da EGA gainditzeko.

Ahozko azterketaren batez bestekoa gero egingen da, ariketa honen eta "Entzunaren ulermena" ariketaren artean.

#### a) Dokumentu baten ahozko azalpena

Azterketari bakoitzari gai desberdin bat emanen zaio idatziz, hogeituz prestatzeko. Ondotik, azterketari bakoitzak bere aldian, egokitu zaion informazioaren bost bat minutuko azalpena eman beharko du honako elementuak kontuan hartuz:

=> gaiaren aurkezpen txukuna egitea

=> mamiaren puntu funtsezkoenak deskribatzea

=> iritzi edo gaiaren hedadura posiblea proposatzea azterketariak bere baitatik.

Azterketari bakoitzak frogatu beharko du ere, besteak egin duen aurkezpena ulertu duela, aztertzaileak egingen dion galdera bati erantzunez.

#### b) Bat-bateko elkarrizketa saioa

Aztertzaileek gai bat emanen diete azterketariei. Azterketari bakoitzak gai horri buruzko ikusmolde bat garatu beharko du.

Azterketariak elkarrizketan arituko dira, emana zaien ikuspuntuaren alde eginez. Elkarrizketa edo eztabaida bideratzeko edota orekatzeko, aztertzaileek parte har dezakete. Azterketariak, bien artean, guti gora behera zazpi minutuz arituko dira.

## 4) Puntuazioa

Azterketako ariketak eta puntuazioak gisa honetan banatuko dira:

EGA edo C1 mailako euskara agiriaren azterketa: Proben puntuazioa			
Azterketa-probak	Ariketa	Gehienez lor daitezkeen puntuak	Gainditzeko gutxienez lortu behar diren puntuak
Proba idatziak	1) Idazlana	30	15
	2) Gutuna	10	
	3) a Esaldiak berridatzi (5 esaldi)	2.5	2.5 bakoitzean edo 6 bien artean
	b Esaldiak zuzendu (5 esaldi)	2.5	
	4) Sinonimoak (10 balioak)	5	
5) Irakurriaren ulermena	10		
	<b>Idatzia orotara</b>	<b>60</b>	<b>30/31</b>
<b>Ahozko probak</b>			
<b>Entzumena</b>	Entzunaren ulermen ariketa	5	
<b>Ahozko adierazpena</b>	Ahozko ariketak: azalpena + elkarrizketa	20	10
	<b>Ahozkoa orotara: (Entzunaren ulermena + ahozko adierazpena) x2</b>	<b>50</b>	<b>25</b>
<b>Azterketa orotara</b>		<b>110</b>	<b>55/56</b>

- Azken emaitza Bikain/Ongi/Aski Ongi/Gainditua edo Ez gainditua izanen da.
- Idazlanean batez bestekoa lortzea baitezpadakoa da idatzia gainditzeko (15/30).
- Esaldiak berridazteko ariketa bikoitzean eta lexikoarenean bakoitza ez bada gainditu 2,5 punturekin, konpentsazio-sistema erabiliko da, bien artean 6 puntu lortu beharko ditu azterketariak probak gaindituzat emateko. Proba hau gainditzea baitezpadakoa da idatzia gainditzeko.
- Ahozkoan, "Mintzamena" gainditzea baitezpadakoa da EGA eskuratzeko.
- Deialdi bateko idatziko kalifikazioak, urte bereko bigarren deialdirako soilik mantenduko dira.

## 5) Kopien kontsulta

Azterketa gainditu ez duen azterketari batek bere kopia kontsultatu nahi izanez gero, eskaera egin dezake. Batzorde Zientifikoak data bat finkatuko du horretarako, osasun krisiari aurre egiteko neurriek hori baimentzen badute.

## 6) Azterketa egokituak

Behar bereziren bat duten azterketariak EGAK C1 azterketa berdintasunez egiteko parada ukan dezaten, Batzorde Zientifikoak beharrezko jotzen dituen egokitzapenak ezarriko ditu, denboran nahiz baliabideetan, eskatu beharreko gaitasun-maila murriztu gabe betiere; azterketariak eskaera eta beharrezko mediku-agiria izen-emate epeetan helarazi beharko ditu.